



Na osnovu člana 3. stav (1) i člana 140 stav (5) Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10 i 42/12), a u skladu sa članovima 2, 20, 21, 22, 23, 24, 25, 26 i 27 Pravilnika o školovanju i usavršavanju u MO i OS BiH, broj: 13-02-3-1632/10 od 01.04.2010.godine, a u cilju izbora kadeta za školovanje u inostranstvu, radi popune formacijskih mjesta u Oružanim snagama BiH, Ministarstvo odbrane BiH, ul.Hamdije Kreševljakovića broj 98, 71000 Sarajevo, **r a s p i s u j e**:

J A V N I K O N K U R S
za školovanje kadeta na Vojnoj akademiji Univerziteta odbrane u Republici
Srbiji – Beograd za školsku 2015/2016. godinu

I

Ministarstvo obrane Bosne i Hercegovine raspisuje Javni konkurs za školovanje kadeta na Vojnoj akademiji Univerziteta odbrane u Republici Srbiji – Beograd, radi popune formacijskih mjesta u Oružanim snagama Bosne i Hercegovine: na studijskim programima „Vojno vazduhoplovstvo, Menadžment u odbrani, Logistika odbrane i Vojnomašinsko inženjerstvo“, za 2015/2016. godinu, po sledećem:

- a) 2 (dva) kadeta za studijski program „Vojno vazduhoplovstvo (školovanje oficira pilota helikoptera)“ u trajanju od 5 godina,
- b) 1 (jedan) kadet za studijski program „Menadžment u odbrani – modul pješadija (školovanje oficira pješadije)“, u trajanju od 4 godine,
- c) 1 (jedan) kadet za studijski program „Logistika odbrane – modul snabdijevanje (školovanje oficira intendantske službe)“, u trajanju od 4 godine,
- d) 1 (jedan) kadet za studijski program „Vojnomašinsko inženjerstvo – modul Vazduhoplovi i vazduhoplovni motori (školovanje oficira vazduhoplovno tehničke službe)“ u trajanju od 4 godine.

II USLOVI KONKURSA

Kandidati treba da ispunjavaju opšte i posebne uslove konkursa.

1. Opći uslovi konkursa:

- a) da su državljani/ke Bosne i Hercegovine,
- b) da su zdravstveno sposobni/ne za službu u Oružanim snagama,
- c) da nisu osuđivani/ne na bezuslovnu kaznu zatvora u trajanju dužem od šest mjeseci,
- d) da nisu prethodno otpušteni/e iz državne službe ili pravnog lica zbog povrede službene dužnosti u poslednje 3 (tri) godine,
- e) da im pravosnažnom presudom nije zabranjeno obavljanje određenih dužnosti, odnosno dužnosti za vrijeme trajanja takve zabrane,

- f) da se protiv njega/nje ne vodi krivični postupak za krivično djelo za koje se goni po službenoj dužnosti,
- g) da ima odgovarajuću stručnu spremu potrebnu za obavljanje određene dužnosti.

2. Posebni uslovi konkursa:

- a) završena četverogodišnja srednja škola i da je u svakom razredu srednje škole postigao/la najmanje vrlo dobar uspjeh,
- b) da nisu stariji od 22 godine na dan 15.09.2015. godine za studijski program „Vojno vazduhoplovstvo“, odnosno od 23 godine na dan 15.09.2015. godine za ostale studijske programe.
- c) Poznavanje rada na računaru (Word, Excel, Power Point, Internet).

Kandidati/kinje koji ispunjavaju opće i posebne uslove konkursa za prijem za kadete Vojne akademije Univerziteta odbrane u Republici Srbiji – Beograd, polažu test opšteg znanja, podliježu provjeri fizičke sposobnosti, ocjeni zdravstvene sposobnosti za vojnu službu koja će biti obavljena u nadležnoj zdravstvenoj ustanovi i bezbjednosnoj provjeri. Kandidat/kinja ima pravo prijave na jedan studijski program.

Kandidati/kinje za kadete studijskog programa „Vojno vazduhoplovstvo“ moraju da ispune i dodatne uslove propisane posebnim programom, medicinsko-zdravstvene i psihološke ocjene kandidata/kinja za taj studijski program.

Ocjena kandidata/kinja po ovom programu vrši se u Vazduhoplovno-medicinskom institutu u Zemunu, Republika Srbija. Termin ocjene naknadno će se odrediti.

III – ŠKOLOVANJE, PRAVA I OBAVEZE

1. Školovanje kadeta/kinja na Vojnoj akademiji Univerziteta odbrane u Republici Srbiji – Beograd na studijskim programima „Menadžment u odbrani, Logistika odbrane i Vojnomašinsko inženjerstvo“, počinje u Septembru 2015. godine i traje 4 (četiri) godine.
2. Školovanje kadeta/kinja na Vojnoj akademiji Univerziteta odbrane u Republici Srbiji – Beograd na studijskom programu „Vojno vazduhoplovstvo“ počinje u Septembru 2015. godine i traje 5 (pet) godina.
3. Odabrani kandidati/kinje imat će status kadeta/kinja, čija će prava i obaveze biti regulisane u skladu sa članovima: 73, 142 i 143 Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10 i 42/12) i članom 29 Zakona o platama i naknadama u institucijama Bosne i Hercegovine („Službeni glasnik BiH“, broj:50/08, 35/09, 75/09, 32/12 i 42/12).
4. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine, potporučnik (OF-1), odgovarajućeg roda-sluzbe.
5. Međusobne obaveze kandidata/kinja izabranog/ne za školovanje na Vojnoj akademiji Republike Srbije i Ministarstva obrane Bosne i Hercegovine regulišu se ugovorom o školovanju.
6. Za vrijeme školovanja kadetima/kinjama su osigurani smještaj i ishrana u internatu Vojne akademije.

IV – POTREBNI DOKUMENTI

- Prijavni obrazac (www.mod.gov.ba),
- Ovjerene kopije svjedočanstava svih razreda srednje škole i ovjerena kopija diplome četverogodišnje srednje škole,
- Uvjerenje o državljanstvu na novom obrascu, ali ne starije od 6 (šest) mjeseci,
- Izvod iz matične knjige rođenih na novom obrascu, ali ne stariji od 6 (šest) mjeseci,
- Uvjerenje o nevođenju kaznenog postupka, ne starije od 3 (tri) mjeseca,
- Potvrdu ili uvjerenje institucije/pravne osobe da u posljednje 3 (tri) godine nije otpušten sa posla zbog povrede službene dužnosti (za kandidate/kinje koji su bili ili su još zaposleni),
- Prijava boravišta CIPS-a ne starija od 6 (šest) mjeseci,
- Biografija – CV,

V – IZBOR KANDIDATA

Izbor kandidata/kinja izvršit će komisija koju će formirati Ministrica odbrane Bosne i Hercegovine.

VI – PRIJAVA NA JAVNI KONKURS

Sva tražena dokumenta treba dostaviti putem poštanske službe, preporučeno, na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71000 Sarajevo

Sa naznakom „Javni konkurs za školovanje kadeta u Republici Srbiji“

Konkurs ostaje otvoren 15 dana od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uslove ovog konkursa, kao i kopije tražene dokumentacije koje nisu ovjerene, neće se uzeti u razmatranje.

Broj:10-33-2-1820-2 /15
Sarajevo, 18.05.2015.godine

MINISTRICA

Marina Pendeš